

BILTEN

Informativno glasilo Islamske zajednice Bošnjaka u Švedskoj

Broj 4 - juni 2014.

Ša'ban / Ramazan 1435



1. MART
moj glas, moja zemlja

Vjerujemo u ono što govorimo,
radimo ono u što vjerujemo.

www.prvimart.ba | fb.com/prvimart.ba | twitter.com/prvimart

Islamska zajednica Bošnjaka u Švedskoj

Adresa: Slättervägen 44, 461 61 Trollhättan;
Tel. 076 310 24 47 / 0520-499064

www.izb.se

Potražite nas i na facebook-u
Islamska zajednica Bošnjaka u
Švedskoj



SADRŽAJ

- Impresum
- Uvodnik za četvrti broj

Aktivnosti IZBUŠ-a

- Održana sjednica UO Udruženja ilmijje IZB u Švedskoj
- Projekcija filma "Imami šehidi" na omladinskom susretu
- Prikupljanje pomoći za nastradale u poplavama u BiH
- Informacija - godišnji odmori
- Predramazanski seminar imama IZB u Švedskoj

Džematske aktivnosti

- Džemat Norkköping - Završnica mektebske 2013./14.
- Džemat Halmstad - Uspješno završena mektebska 2013./14.
- Džemat Malmö - Izlet u Aspan
- Hafiska mukabela u džematu Norkköping

- Bemuf: Ljetni susret 2014
- Tuzlanska medresa u jednoj školskoj godini iznjedrila pet hafiza
- Zekat i sadekatu-l-fitr

POZIV NA SARADNJU

Oglasite se i Vi u Biltenu IZBUŠ-a. Javite nam se sa vašim prijedlozima, primjedbama i sugestijama.
e-mail: bilten@izb.se



BILTEN

Informativno glasilo

Islamske zajednice Bošnjaka u
Švedskoj

GLAVNI UREDNIK

Idriz-ef. Karaman
glavni imam

IZVRŠNI UREDNIK

Almedin-ef. Spahić

REDAKCIJA:

Savjet glavnog imama:
Nezir-ef. Špiodić
Smajo-ef. Šahat
Elvedin-ef. Bešlija

SARADNICI U OVOM BROJU:

hfz.Jusuf-ef. Horozović, Norkköping
Jasmin Dervišević, sekretar IZBUŠ-a
Alen-ef. Delić, Malmö

UVODNIK ZA ČETVRTI BROJ BILTENA IZB U ŠVEDSKOJ

Povodom nastupanja ramazani-šerifa Muhamed, a.s., se jednom prilikom ashabima obratio na sljedeći način:

”O ljudi, prikučio vam se časni mjesec, mjesec blagoslova, sreće i napretka, mjesec u kojem je Lejletu-l-kadr, noć koja je vrijednija od hiljadu mjeseci.

Allah vam je naredio da danju postite, a noći da provodite u dobrovoljnom ibadetu. Pa, ko u ramazanu obavi nafilu, kao da je obavio farz u nekom drugom mjesecu, a ko u ramazanu obavi farz, kao da je izvan ramazana obavio 70 farzova.



Ramazan je mjesec strpljivosti, a nagrada za strpljivost je Džennet. To je mjesec međusobnog ispoma-ganja muslimana, mjesec u kome se uvećavaju prihodi i opskrba vjernika.

U ramazanu posebno praktizirajte četiri stvari, dvije, kojima ćete zadovoljiti Allah, dž.š., i dvije, bez kojih, ionako, nećete moći. Ono čime ćete zadovoljiti Allaha, dž.š., je da stalno ponavljate Kelime i šehadet i tražite oprost. Ono bez čega, ionako, nećete moći je da molite Allaha, dž.š., za Džennet i spas od Džehenna.

Ko priredi iftar postaču, imat će nagradu kao da je roba oslobodio, bit će mu oprošteni grijesi učinjeni prema Allahu, dž.š. Allah daje ovu nagradu i onome ko radi iftara pruži postaču čašu mlijeka ili vode ili hurmu. A ko postača nahrani večerom, Allah, dž.š., će mu oprostiti sve manje grijeha i napojit će ga sa izvora, tako da više nikada neće ožetneti, a u Džennetu će imati posebnu nagradu.

Kad bi ljudi znali kakva sve dobra donosi ramazan, sigurno bi moji sljedbenici zaželjeli da cijela godina bude ramazan.

Prvih deset dana Allah, dž.š., prosipa svoju mislost među ljude, drugih deset oprašta grijeha svojim robovima, a posljednjih deset dana oprašta i onima koji su zaslužili džehennemsku kaznu.”

Ovim Poslanikovim, a.s., riječima teško se šta može dodati, osim dove da u zdravlju i rahatluku dočekamo ramazani-šerif i iskoristimo ga na najbolji mogući način.

Mi zadovoljni i Allah, dž.š., s nama zadovoljan.

RAMAZAN ŠERIF MUBAREK OLSUN!

Idriz-ef. Karaman

Održana sjednica Upravnog odbora Udruženja ilmijje IZB u Švedskoj

U ponedjeljak, 02.06.2014.godine, u Boråsu je održana prva sjednica novoizabranog upravnog odbora Udruženja ilmijje Islamske zajednice Bošnjaka u Švedskoj, kojom je presjedavao Nezir-ef. Špiodić, predsjednik Udruženja.

Na sjednici su realizovani zadaci od skupštine te je predložen i usvojen Plan i program rada za 2014.god.

Udruženje ilmijje ima za cilj da u svom članstvu okupi sve imame i muallime Islamske zajednice Bošnjaka u Švedskoj, te da zajedničkim usavršavanjem, aktivnostima i razmjenom iskustava postigne bolje jedinstvo i napredak zajednice.

Upravni odbor je donio odluku da se slijedeće aktivnosti sprovedu u tekućoj godini:

1. Da se postavi rubrika „Udruženje ilmijje“ na stranici IZBUŠ, gdje će biti dostupni osnovni podaci o udruženju, normativni akti i aktuelne informacije;

2. Organizovati dvodnevnu ekskurziju, poslije kurbanskog bajrama, za imame IZBUŠ-a u jedan od Bošnjačkih džemata u Njemačkoj;

3. U saradnji sa Ilmijjom u BiH odabrati jednog imama kojem je ugrožena egzistencija u poplavama i klizištima u BiH, te uplatiti jednokratnu pomoć u iznosu od 2.000kr iz kase Udruženja;

4. Sugerirati džematima da održe projekciju filma „Imami šehidi“ tamo gdje nije održana;

5. Džematima i imamima sugerirati da se više radi na međuimamskim i međudžematskim posjetama u okviru IZBUŠ-a u cilju boljeg međuimamskog i međudžematskog dijaloga i saradnje;

6. Postojeći Pravilnik o radu imama i muallima u IZBUŠ-u pripremiti za javnu raspravu o izmjenama i dopunama među članstvom Udruženja.

Prema statutu Udruženja, sjedište Udruženja ilmijje je u mjestu boravka izabranog predsjednika.

Prema tom pravilu sjedište Udruženja ilmijje je u Helsingborgu za 2014.god.

Udruženje ilmijje ima za cilj da u svom članstvu okupi sve imame i muallime Islamske zajednice Bošnjaka u Švedskoj, te da zajedničkim usavršavanjem, aktivnostima i razmjenom iskustava postigne bolje jedinstvo i napredak zajednice.

Nova adresa Udruženja ilmijje IZBUŠ-a je: BIF, BOX 5048, 250 05 Helsingborg

A.S.



Projekcija filma “Imami šehidi” na omladinskom susretu

Prva projekcija filma „Imami šehidi” u Švedskoj održana je 28. aprila ove godine na seminaru imama u džematu Gislaved.

Na seminaru su bili prisutni skoro svi imami IZBUŠ-a i gledajući ovaj film imali su priliku da se još jednom prisjete života i djela svojih kolega šehida.

Neki imami su te večeri mogli da se prisjete imama šehida s kojim su nekad u medresi dijelili školsku klu-pu, s kojima su dugo godina bili radne kolege, a neki su među imamima šehidima na ovom filmu mogli vidjeti i svoje najbliže članove porodice.

Većina imama i prisutnih je kraj ovog filma dočekala sa suzama u očima. Poseban gost na seminaru i projekciji filma bio je Mensur ef. Pašalić, predsjednik Udruženja ilmije IZ u BiH.

Nakon toga, projekcija filma “Imami šehidi” održana je u još nekoliko džemata (Skövde, Halmstad i Helsingborg), a poseban dojam ostavila je projekcija ovog filma na omladinskom susretu na Ölandu, koje je organizirao Muslimanski omladinski savez Švedske (Bemuf).

Projekcija je održana 7. juna u okviru programa omladinskog druženja, a gosti projekcije bili su i dr. Admir Mulaosmanović i mr. Sedad Bešlija, sin imama šehida koji je, također, bio prikazan na ovom filmu. Uvodne riječi o filmu i njegovoj poruci kazao je Nezir ef. Špiodić, predsjednik Udruženja ilmije u Švedskoj.

Omladinskom susretu je prisustvovalo oko sedamdeset omladinaca od 14 do 27 godina. Većina njih je prvi put prisustvovala projekciji filma i imala priliku da vidi priču o 97 imama, časnih šehida, bosanskih gazija koji su dali ono najvrijednije što su imali – svoje živote za opstanak vjere i domovine. Veliki broj njih bili su jako mladi i svoje živote su dali u najljepšim godinama.

N.Š.



Prikupljanje pomoći za nastradale u poplavama u BiH



Ovim vas želimo izvijestiti da je u akciji za prikupljanje novčanih sredstava za nastradale u poplavama u BiH, koju je pokrenula Islamska zajednica Bošnjaka u Švedskoj u saradnji sa Rijasetom, do sada prikupljeno 658 240 kruna.

Sredstva se redovno uplaćuju na poseban Rijasetov račun i troše se po rasporedu Operativnog

štaba koji je Rijaset oformio.

Izvršni odbor IZBUŠ smatra da je ovaj rezultat odličan i koristi priliku da se zahvali svim učesnicima u akciji, uz dovu Allahu, dž.š., da ukabuli, a stradalim u poplavama olakša.

Kako su, međutim, štete izazvane poplavama ogromne i sanacija će trajati dugo, Rijaset Islamske zajednice u BiH preporučuje da se nastavi sa prikupljanjem novčanih sredstava.

Ovu priliku koristimo da pozovemo sve naše članove koji će putovati na godišnje odmone u BiH da posjete nastradala područja i lično učestvuju u sanaciji šteta. Bit će to, ako Bog da, konkretna fizička pomoć, ali još više moralna podrška našem nastradalom narodu.

Operativni štab Rijasetu će pratiti stanje na terenu i prispjela sredstva usmjeravati najpotrebnijim.

Ovu priliku koristimo da pozovemo sve naše članove koji će putovati na godišnje odmone u BiH da posjete nastradala područja i lično učestvuju u sanaciji šteta. Bit će to, ako Bog da, konkretna fizička pomoć, ali još više moralna podrška našem nastradalom narodu.

Jasmin Dervišević, sekretar IZBUŠ-a

Kontakt podaci u vrijeme godišnjih odmora

Obavještavamo vas da će sekretar IZB u Švedskoj, zbog korištenja godišnjeg odmora biti odsutan od 12. juna do 08. jula 2014.g., a blagajnik od 21. juna do 20. jula 2014.g.

Kontakt osobe u ovom periodu su:

- Mustafa ef. Šetkic: tel/fax. 08-653 68 21, mob. 070-745 85 41
- Idriz ef. Karaman; tel. 040-19 31 91, mob. 070-730 02 46

Svim članovima Islamske zajednice Bošnjaka u Švedskoj želimo ugodne dane ljetnih odmora i putovanja!

Izvršni odbor IZBUŠ

U JÖNKÖPINGU ODRŽAN PREDRAMAZANSKI SEMINAR ZA IMAME ISLAMSKJE ZAJEDNICE BOŠNJAKA U ŠVEDSKOJ



U gradu Jönköping 26. juna 2014. godine održan je seminar za imame Islamske zajednice Bošnjaka u Švedskoj. Seminaru su prisustvovali gotovo svi imami, a glavna tema bila je organizacija aktivnosti za predstojeći ramazani-šerif.

Na početku seminara glavni imam Idriz-ef. Karaman osvrnuo se na protekli period, istakavši veliki angažman imama u realizaciji mektebske nastave, organiziranju prikupljanja pomoći za nastaradale u poplavama u BiH, te registraciji naših ljudi za predstojeće izbore u BiH.

U nastavku seminara, Idriz-ef. je govorio o predstojećim aktivnostima. Bez obzira što značajan broj naših ljudi odlazi na godišnje odmore i ramazan provodi izvan Švedske, preporučio je da se aktivnosti u džematima organiziraju kao da su svi naši ljudi ovdje, vodeći, naravno, računa da su dani dugi i da je teravii-namaz veoma kasno.

Posebno je potrebno što više govoriti o zekatu, jer je prošlogodišnje iskustvo pokazalo da tamo, gdje se ovom pitanju pristupi maksimalno ozbiljno, ne izostanu ni rezultati. U tom smislu, predstavljen je materijal koji je iz Ureda za zekat upravo stigao, kao i specijalna brošura koju je pripremio Savjet glavnog imama Islamske zajednice Bošnjaka u Švedskoj. Na kraju svog izlaganja Idriz-ef. je dao informaciju o dosadašnjim aktivnostima oko organizacije odlaska na hadž, te najavio akciju Kurban 2014.

U drugom dijelu seminara novi imam u Džematu Stockholm Merzuk-ef. Hadžirušidović podnio je referat na temu: „Neka iskustva u radu u povratničkom medžlisu, sa posebnim osvrtom na susret sa ljudima iz dijaspore.“ Bilo je veoma interesantno čuti s kakvim se sve problemima susreću naši povratnici, a posebno kako oni doživljavaju ljude koji iz dijaspore dolaze na godišnje odmore.

Nakon podnešenih referata razvila se izvanredna diskusija u kojoj je posebno naglašena uloga i odgovornost imama u svim aktivnostima, a posebno ramazanskim. Imami ovim aktivnostima pristupaju maksimalno ozbiljno, bez obzira što se to ponekad ne vrednuje na adekvatan način. Riječ podrške, pa i određeni stimulans svakom je, pa i imamima, drag. U sklopu diskusije predsjednik Udruženja ilmijje za Švedsku Nezir-ef. Špiodić predstavio je trenutne stanje i planove ove organizacije, te pozvao imame da se uključe u svoje Udruženje.

Odličan domaćin ovog seminara bio je Džemat Jönköping.

I.K.

DŽEMAT NORRKÖPING: ZAVRŠNICA MEKTEBSKE 2013./14. GODINE

U našem džematu Norrköping, krajem mjeseca maja, okončana je i ova mektebska godina i krunisana sa jednodnevnim izletom 24. maja u Norrköpingu, te završnim ispitima 31. maja u prostorijama Islamske zajednice Norrköping.

IZLET

Jednodnevni izlet je organiziran na velikoj poljani Himmelstalund i polaznici mektebske nastave su imali priliku da jedan dan mektebske nastave provedu zajedno sa svojim roditeljima, imamom i džematlijama, i uz sportske aktivnosti i roštilj u prirodnom ambijentu obilježe godinu dana svoga truda i zalaganja u mektebu.

ZAVRŠNI ISPITI

31. maj, ostavio je kod velikog broja roditelja najljepše utiske sa završnih ispita koji su opečatili stečeno znanje naše djece u 2013./14. godini.

Nakon obraćanja imama Jusufa ef. Horzovića polaznici su javno osvjedočili svoje stečeno znanje, gdje su roditeljima predstavljeni polaznici mektebske nastave u ovoj godini. Ukupan broj polaznika upisanih u protekloj godini je 137 polaznika.

Posebno je vrijedno spomenuti prisustvo glavnog imama IZBUŠ-a h. Idriz ef. Karamana koji je uvećao ovaj skup i obratio se djeci i roditeljima gdje im je kroz mnoge savjete i uputstva ukazao na značaj vjere i zajedništva, kao i očuvanje porodice i sopstvenog identiteta.

I ove godine sponzor završnih ispita je bio Plivit trade iz Västervika koji je obezbijedio paketiće svim polaznicima. Oni su dobili i posebna priznanja od Islamske zajednice Bošnjaka u Švedskoj i džemata Norrköping, a troje su posebno nagrađeni, sa svakog punkta po jedan polaznik.

hfz. Jusuf ef. Horzović



Nakon obraćanja imama Jusufa ef. Horzovića polaznici su javno osvjedočili svoje stečeno znanje, gdje su roditeljima predstavljeni polaznici mektebske nastave u ovoj godini. Ukupan broj polaznika upisanih u protekloj godini je 137 polaznika.

DŽEMAT HALMSTAD: USPJEŠNO ZAVRŠENA MEKTEBSKA 2013./14.g.

Dana 25.maja 2014.g., mektebskim ispitima u prostorijama džemata Halmstad, uspješno je završena školska mektebska 2013./14. god.

Mekteb se održavao u prostorijama džemata Halmstad, u dvije grupe te dva puta sedmično, subotom i nedeljom. Ove školske godine mektebsku nastavu u Halmstadu pohađalo je 32 polaznika.

Kako bi smo na lijep način obilježili završetak mektebske godine, 25. maja, poslije podne manja grupa sa roditeljima okupila se u Bus Fabrikenu a veća grupa polaznika okupila se u omladinskom zabavnom centru, gdje su se družili uz igru Arosfortet.

Istog dana, poslije ikindije-namaza u džematu su održani završni mektebski ispiti, podjeljene diplome i paketići djeci. Te proglašen najbolji polaznik za 2013./14.g.

Na osnovu analize redovnosti polaznika, nivoa naučenog gradiva, kao najbolji polaznik proglašen je DinAmar Pehlić. Koji je ove godine uspješno počeo učiti i Kur'an. Poslije mektebski ispita, održana je redovna džematska tribina povodom mubarek noći Lejletu-l-mi'radža.

A.S.



DŽEMAT MALMÖ: IZLET U ASPAN (BLEKINGE - RONNEBY)

Za naše najmlađe, prije svega polaznike mektebske pouke organizirali smo 12. aprila izlet u Aspan, prelijepo izletišta kraj mora.

Stigli smo u petak naveće, a povratak je bio u nedelju u poslijepodnevnim satima.

Sav boravak na izletu bio je isplaniran, program je sačinjavao klanjanje dnevnih namaza, zajedničko opuštanje uz ilahije, gledanje filma u večernjim satima, sportski dio (šetnja i upoznavanje okoline, fudbal, ribolov i sl.), edukativni dio (predavanja, mektebska pouka za djevojčice i dječake) i sl.

Ovaj izlet je nešto što će vječno pamtiti i roditelji i djeca. Odlučili smo da nam postane tradicionalni aktivitet, jer s malo zalaganja može se mnogo korisnog učiniti i naučiti. Doista je učenje kroz igru nešto što djeca brzo usvajaju i dugo pamte.

Alen-ef. Delić



DŽEMAT NORRKÖPING: Hafiska mukabela u džematu

U petak 27.06.2014. sa akšam namazom džematlije našega džemata dočekale su mubarek mjesec Ramazan. Iste noći klanjala se i prva teravija. Iako je teravijah namaz prilično kasno primjetna je posjećenost džematlija i džematliki na istoj. Džematlije prije same teravije imaju priliku poslušati desetominutni vaz kako bi pored teravijah namaza kao ibadeta džamiju doživjeli i kao školu iz koje bi trebali izlaziti najbolji svršeni.

Shodno tome, u džematu se održava i ramazansko predavanje subotom poslije podne namaza.

S obzirom da je mjesec Ramazan mjesec Kur'ana nakon podne namaza uči se hafiska mukabela koju uče imam i muallima.

Pored navedenih ibadeta planirane su i druge aktivnosti u toku ramazana, kao što su: zajednički iftari, mevludski program za 17. i 27. noć ramazana i dr.

Vrata našeg džemata su otvorena širom svim muslimanima, a posebno u ovom mubarek mjesecu.

Islamska zajednica Bošnjaka u Norrköpingu želi vam hairli nastupajuće ramazanske dane, da ih u zdravlju i rahatluku ispostite i da bajram dočekate čisti od grijeha.

RAMAZAN ŠERIF MUBAREK OLSUN!

Jusuf ef. Horozović, imam IZ-e Norrköping

Ramazan

Šerif Mubarek Olsun

želi vam

BOŠNJAČKA ISLAMSKA ZAJEDNICA NORRKÖPING

"U mjesecu ramazanu počelo je objavljivanje Kur'ana, koji je putokaz ljudima i jasan dokaz Pravoga puta i razlikovanja dobra od zla." (Kur'an, 2:185)

POČETAK RAMAZANA OVE GODINE JE U SUBOTU 28. JUNA,
PRVA TERAVIJA JE U PETAK 27. JUNA, A MUKABELA 28. JUNA

RAMAZANSKI PROGRAM:

- BEŠ – VAKAT U DŽEMATU
- TERAVIJAH - NAMAZ KLANJA SE PO VAKTIJI
- HAFISKA MUKABELA UČI SE NAKON PODNE NAMAZA
(učači: imam hfz. Jusuf ef. Horozović i muallima hfz. Merima Horozović)
- RAMAZANSKO PREDAVANJE SUBOTOM NAKON PODNE NAMAZA
- MEVLUDSKI PROGRAM ZA 17. I 27. NOĆ RAMAZANA
- OMLADINSKI IFTAR

BEMUF: Ljetni susret 2014 – veliki uspjeh!

Sedamdesetak omladinaca doputovalo je iz Göteborga, Gislaveda, Halmstada, Jönköpunga, Malmö, Norrköpunga, Trollhättana, Skövde, Stockholma, Växjö i Örebra, kako bi učestvovali na ljetnom susretu koji je Bemuf ove godine organizovao na Ölandu.



Tokom sunčanog vikenda 6.-8. juna 2014. god. održan je ljetni susret 2014.g. Omladinci između 13-27 godina su doputovali iz svih krajeva Švedske kako bi se družili u duhu Islama. Nakon doručka u subotu ujutro prva tačka na programu bilo je predavanje Salahuddina Barakata, koji dugo radi kao imam u Švedskoj. Salahuddin je svojim govorom zaista oduševio našu omladinu.



Nakon predavanja slijedio je ručak, a poslije toga su učesnici imali priliku da iskoriste prelijepo vrijeme kroz sportske aktivnosti. Kviz je također organizovan kako bi se omladina bolje upoznala i surađivala.

Iz naše domovine Bosne i Hercegovine doputovali su dr. Admir Mulaosmanović i mr. Sedad Bešlija, kako bi promovisali knjigu "Iskušenje opstanka – Izetbegovićevih deset godina 1990.-2000."

Na kraju dana nas je čekao roštilj kojeg je naš kuhar Mehmed pripremio, kao i svu ostalu hranu.

Zadnja tačka na programu za subotu bila je projekcija poučnog ali jako dirljivog dokumentarnog filma "Imami šehidi".

Izvršni odbor se još jednom zahvaljuje svim učesnicima. Nadamo se da će nas na budućim susretima inshaAllah biti još više, i da će nam biti još ljepše.

(www.bemuf.org)

Prvi put u historiji: Tuzlanska medresa u školskoj godini iznjedrila petoricu hafiza



"Naše dvogodišnje intenzivno učenje krunisano je sticanjem zvanja hafiza. Za nas je to najveći uspjeh koji čovjek može da ponese, a ponosni smo na činjenicu što su na diplomama upisana imena naših roditelja"

Tuzlanska Behram-begova medresa je po prvi put u bogatoj historiji u jednoj školskoj godini iškolovala petoricu hafiza.

Emir Sinanović i Davud Efendić iz Zavidovića, Ernad Kujraković iz Gradačca, Osman Tufekčić iz Banovića i Ismail Fazlović iz Tuzle stekli su zvanje hafiza nakon što su prošli jednu vrstu obuke kod muhafiza Mirnesa Spahića i nakon što su uspješno okončali polaganje pred komisijom Rijaseta Islamske zajednice BiH.

Petorica hafiza, čija će imena ostati upisana u historiji Behram-begove medrese, kazuju kako su se za završni ispit spremali oko dvije godine. Na kraju su po dva džuz (džuz sadržava 20 stranica Kur'ana) polagali 15 dana.

"Naše dvogodišnje intenzivno učenje krunisano je sticanjem zvanja hafiza. Za nas je to najveći uspjeh koji čovjek može da ponese, a ponosni smo na činjenicu što su na diplomama upisana imena naših roditelja", govore hafizi iz tuzlanske Behram-begove medrese.

Hafiz Osman Tufekčić iz Banovića je najmlađi hafiz na području Tuzlanskog kantona, dok je Emir Sinanović iz Zavidovića hafiz postao na kraju osnovnog obrazovanja. Hafizi tuzlanske medrese školovanje će nastaviti na Fakultetu islamskih nauka u Sarajevu, a moguće je, kako kažu, da neki od njih upišu i druge fakultete.

Školovanje u Behram-begovoj medresi itekako će im ostati u pamćenju, jer su im njihovi učitelji pružili uvid u savremene društvene, teološke i političke tokove u BiH i svijetu.

"Sretni smo što ćemo svoje znanje usavršavati kod renomiranih profesora Fakulteta islamskih nauka kao što su akademici Karić i Hafizović, te profesori Hodžić, Neimarlija i dr", kazuju oni.

U prvom razredu im je bilo najteže, jer su se privikavali na odvojen život od porodica i novu sredinu. Kolebanja zbog odabira škole nikada nije bilo, a konstatuju kako se sve diplome mogu kupiti samo se diploma u medresi stiče intenzivnim učenjem i znanjem.

Pred njima je i mjesec ramazana. Hafizi tuzlanske medrese kažu kako ramazan iščekuju sa posebnim nestrpljenjem.

"Mjesec ramazana je poseban, a za hafize još posebniji zbog učenja mukabela. Za nas su to posebni duhovni stepeni uzdinja ili, kako bi rekao akademik Hafizović, u ramazanu dotičemo iskonsku dubinu stvari", kažu Emir, Davud, Ernad, Osman i Ismail.

U vrijeme školovanja imali su vremena za van-nastavne aktivnosti. Hafiz Ismail je odličan poznavalac automobila, hafiz Osman tehnologije, hafiz Ernad fudbala...

"Kada se sve dobro isplanira onda se ima vremena za učenje, ali i hobije. Odlični smo učenici, a generacijama koje dolaze možemo poručiti kako se neće pokajati ako se odluče za školovanje u medresi", zaključuju oni.

Inače, tuzlanska Behram-begova medresa je u posljednjih sedam godina pet puta proglašavana najboljom školom u Tuzlanskom kantonu na osnovu kriterija Pedagoškog zavoda TK, a na kraju školske 2013./2014. ispraćena je 338. generacija maturanata.



SADEKATU-L-FITR (VITRE)

Sadekatu-l-fitr se daje u Ramazanu a zekat se može dati u toku cijele godine. Zekat i sadekatu-l-fitr su dva različita materijalna davanja.

Zekat je stroga obaveza ili farz za svakog imućnijeg muslimana, dok je sadekatu-l-fitr (vitre) vadžib i daje se samo u toku Ramazana kako bi se tom sadakom očistio post od neprimjerenog govora i da bi se nahranili siromasi.

Rekao je Muhamed a.s.: "Sadekatu-l-fitr se daje kako bi se njime očistio postač od neprimjerenog govora, nedostataka i da bi se nahranili siromasi." (Ebu Davud i Ibn-Madže)

U drugom hadisu se kaže: "Post lebdi između nebasu i zemlje i neće biti primljen kod Allaha dž.š. Sve dok se ne podjeli sadekatu-l-fitr (vitre)."

Vadžib je svakom imućnom muslimanu, kojem preko potreba njegove porodice pretekne jedan sa'a (pregršt) hrane za jedan dan i noć, dati bajramsku sadaku ili sadaku za završetak posta, zvani sadekatu-l-fitr (vitre). Čovjek će dati za sebe i svoju malodobnu djecu.

Islamska zajednica ukuplja sadekatu-l-fitr u fond "Bejtu'l-mal" kojeg dalje distribuira medresama, islamskim fakultetima, Bošnjačkoj gimnaziji, siromasima, povratnicima, porodicama šehida, socijalno ugroženim osobama i porodicama te stipendiranju učenika i studenata.

ZEKAT

1. Zekat je četvrti islamski šart i neupitna obaveza, svakog punoljetnog, umno zdravog, slobodnog muslimana čija imovina dostiže ili prelazi vrijednost nisaba. "Uzmi od dobara njihovih zekat da ih njime očistiš i blagoslovljenim učiniš... " (Et-Tevbe, 103)

2. Uvjeti za obaveznost davanja zekata:

- biti musliman;
- posjedovati puno vlasništvo (u dunjalučkom smislu) nad imovinom iz koje se izdvaja zekat;
- biti umno zdrav i slobodan;
- posjedovati imovinu u vrijednosti nisaba;
- imovina koja podliježe obavezi zekata je imovina koja ima stvarni ili pretpostavljeni rast vrijednosti.

3. Nisab

Nisab je određena vrijednost ili količina imovine koju fizičko lice (pojedinaac) ili pravno lice (firma) treba posjedovati tokom godinu dana da bi podliježali obavezi zekata.

Nisab podrazumjeva vrijednost ili količinu imovine koja prelazi osnovne životne potrebe, kao što su: hrana, odjeća, kuća, stan, prijevozno sredstvo i osnovna sredstva za poslovanje.

Kada je imovina u visini nisaba, dolje navedeni iznos nisaba i sve što je preko toga, bila u vlasništvu čovjeka tokom čitave hidžretske godine, na nju (imovinu) se daje zekat i to 2,5%.

Nisab za ša'ban, ramazan i ševval 1435.h.g. iznosi 2.777,00 € ili 25.337 kr.

4. Redoslijed postupaka prilikom obračuna zekata:

Obračunavanje zekata vrši se po tačno određenim pravilima, propisanim posebno za svaku od više vrsta imovine koja podliježe davanju zekata. Prilikom obračuna zekata neophodno je uraditi slijedeće:

- Odrediti datum obračuna zekata

Datum obračuna će se odrediti na osnovu datuma kada smo stekli imovinu u vrijednosti nisaba, sačekat ćemo godinu dana i na taj datum slijedeće godine obračunati zekat na zekatibilnu imovinu, ukoliko ona i dalje dostiže ili prelazi vrijednost nisaba.

Ovo pravilo se ne odnosi na davanje zekata na poljoprivredne proizvode, rude, minerale i dobivene rente za iznajmljivanje nekretnina na koje se zekat obračunava i daje odmah nakon ubiranja, vađenja i dobavljanja dobiti od toga.

- Odrediti koja je to zekatibilna imovina u našem vlasništvu i razdvojiti je u odgovarajuće grupe

- Definirati troškove koji se oduzimaju prilikom obračuna zekata

- **Odrediti osnovu za obračun zekata**
 - ♦ Novac (nisab 2.777,00 € ili 25.337 kr)
 - ♦ Pozajmice, državne obveznice, vrijednosni papiri, dionice, primanja (nisab 2.777,00 € ili 25.337 kr)
 - ♦ Nekretnine
 - ♦ Zekat na trgovačku robu i poslovanje
 - ♦ Minerali i rude
 - ♦ Poljoprivredni proizvodi
 - ♦ Stoka
 - **Definirati u čije ime se obračunava i daje zekat**
 - a) Pojedinac (fizičko lice)
 - b) Partnerstvo
 - c) Investicijske kompanije
 - d) U slučaju udruživanja rada, ideja, pameti i kapitala
- 5. Imovina na koju se obračunava zekat:**
- ♦ Zlato (nisab 91,6 grama)
 - ♦ Srebro (nisab 641,5 grama)
- Više informacija o zekatu, obračunavanju zekata (zekat kalkulator), druga pojašnjenja možete naći na:

www.zekat.ba

Preporučujemo našim džematli-jama da sadekatu-l-fitr, a posebno zekat, uplaćuju u svom džematu u Švedskoj.

Ukoliko se, pak, odluče da sadekatu-l-fitr uplate u Domovini, trebaju voditi računa da to bude po cijeni u Švedskoj.

Cijena ovogodišnjeg sadekatu-l-fitra je 100 švedskih kruna po osobi.

Za više informacija možete se obratiti lokalnom džematu, imamu ili sekretaru IZBUŠ-a.

